

Incumbensa Schneider concernent la reducziun da las taxas da l'uffizi per il traffic sin via

Ils onns 2010, 2014 ed ussa er puspè l'onn 2018 ha il survegliader dals pretschs examinà en detagl las taxas dals uffizis chantunals per il traffic sin via. Da la cumparegliaziun 2018 resultan danovamain differenzas interchantunalas marcantas da las taxas. En divers chantuns – tranter auter en il Grischun – datti en quest regard ina surcuvrida considerabla dals custs. Il survegliader dals pretschs pretenda perquai danovamain che las taxas en il chantun Grischun stoppian vegnir reducidas.

En pliras sessiuns dal cussegl grond èn gia vegnidas discutadas las taxas memia autas da l'uffizi per il traffic sin via. Durant l'ura da dumondas da la sessiun d'avrigl 2015 ha la regenza explitgà che las entradas or da la gestiun da l'uffizi per il traffic sin via minus il custs vegnian impundidas per finanziair las vias dal chantun. Er sche las taxas memia autas cuntrafan evidentamain cunter il princip da la cuvrida dals custs, ha la regenza refusà quella giada da reducir las taxas. Quai è nuncunvegnent, perquai che las Grischunas ed ils Grischuns pajan uschia mintga onn stgars 3,2 milliuns francs (guardar ura da dumondas da la sessiun d'avrigl 2015) memia bler per taxas a l'uffizi per il traffic sin via.

Perquai incumbenseschan las sutsegnadras ed ils sutsegnaders la regenza da reducir las taxas da l'uffizi per il traffic sin via uschia, ch'i vegnan incassadas a partir da l'onn 2020 taxas che cuvran gist ils custs e che correspundan pia effectivamain al princip da la cuvrida dals custs.

Cuira, ils 31 d'avust 2018

Schneider, Hohl, Zanetti (Landquart), Aebli, Berther, Bettinaglio, Bigliel, Bondolfi, Brunold, Buchli-Mannhart, Caluori, Cantieni, Casutt-Derungs, Cavegn, Danuser, Della Cà, Deplazes (Rabius), Derungs, Dürler, Epp, Erhard, Florin-Caluori, Föhn, Gugelmann, Hefti, Kohler, Kunfermann, Loepfe, Loi, Maissen, Märchy-Caduff, Michael (Donat), Papa, Ruckstuhl, Schmid, Tomaschett (Breil), Ulber, Weber, Widmer (Favugn), Widmer-Spreiter (Cuira), Gaupp